

HEADLINES

- ۱۔ وزیر اعظم نریندر مودی نے جموں کشمیر کا اپنا دورہ غے دوران کئی ترقیاتی پروجیکٹس غے تحت کٹرہ مانہہ تاریخی چناب تے انجی پُلان غو افتتاح کیوہے۔
- ۲۔ وزیر اعظم نے آپریشن سندھور غے دوران سرحد پار غی گولہ باری سنگ شدید نقصان ور 2 لکھ روپیہ تے جزوی نقصان ور ایک لکھ روپیہ اضافی امداد غو اعلان کیوہے۔
- ۳۔ لیفٹیننٹ گورنر منوج سنہا نے یو ایس بی آر ایل ریلوے پروجیکٹ غی افتتاحی تقریب مانہہ کہیوہے جے کشمیر تیں کنیا کماری توڑی ایک حقیقت ہے۔
- ۴۔ فوج نے امرناتھ یا ترہ 2025 غا محفوظ تے پُرامن انعقاد نانہہ یقینی بنان واسطے آپریشن شیوا غو آغاز کیوہے۔
- ۵۔ نیٹ پی جی 2025 غو امتحان 3 اگست نانہہ ایک ہی شفٹ مانہہ منعقد وے غو۔

PM PROJECTS

وزیر اعظم نریندر مودی نے اج کٹرہ مانہہ 46 ہزار کروڑ روپیاں تیں زیادہ مالیت غا کئی ترقیاتی منصوباں غو سنگ بنیاد رکھیو گجھ منصوباں غو افتتاح کی و تے گجھ ناں قومغے ناں وقف کیو۔ اپنا جموں کشمیر غا دورہ غے دوران جہیزو دنیا غو سب تیں اوچو ریلوے پُل ہے تے انجی کھڈ پُل جہیزو بھارت غو پہلو کیل ریلوے پُل ہے غو افتتاح کیوہے دوئے پُل ادھمپور سرینگر بارہ مولہ ریلوے رابطہ غو حصو ہیں یوہ ریل رابطو منصوبو تقریباً 272 کلو میٹر لموہے تے اس ور تقریباً 44 ہزار کروڑ روپیاں غی لاغت آئی ہے یوہ ریلوے سٹیشن مکمل طورور بجلی تیں چلن آلوہے تے اس مانہہ 36 سرنگ تے 943 پُل ہیں اپنا دورہ غے دوران وزیر اعظم نے کٹرہ ریلوے سٹیشن تیں وندے بھارت ایکسپریس ریل نانہہ وی جھنڈی دس غے روانہ کیو جہیزو کٹرہ نانہہ سرینگر تیں جوڑے غی ریل روانہ کرن تیں پہلاں وزیر اعظم نے ریل مانہہ موجود سکول غا بچاں تیں ملاقات کی تے ریلوے غا عملہ تیں وی گل بات کی وزیر اعظم نے کٹرہ تیں مجاری طورور مختلف سڑکاں غا منصوباں غا افتتاح کیوہے اُن غی بنیاد رکھی ان منصوباں غو مقصد جموں کشمیر غا سرحدی علاقان مانہہ آکری کونہ توڑی رسائی نانہہ بہتر بنانوہے اس موقع ور وزیر اعظم نے کٹرہ مانہہ شری ماتا ویشنو دیوی میڈیکل کالج غیوی بنیاد رکھی جس ور 350 کروڑ روپیاں تیں زیادہ غی لاغت آئے گی یوہ ریاسی ضلع غو پہلو میڈیکل کالج وے غو جہیزو علاقہ مانہہ صحت غا نظام نانہہ مضبوطی دے غو۔

PM ADDRESS

کٹرا مانہہ مختلف منصوباں غا افتتاح تیں بعد عوامی اجتماع تیں خطاب کرتا واں وزیر اعظم نریندر مودی نے اپنی تقریر ڈوگرہ زبان مانہہ شری ماتا ویشنو دیوی جی نانہہ احترام پیش کرتا واں شروع کی۔ وزیر اعظم نے اس طرح کہیو۔ اُنہاں نے کہیو کہ جموں کشمیر مانہہ ترقی غو سفر کدے نہیں رُکے غو تے اج جن منصوباں غو افتتاح ہووہے وہ اس ترقی غی راہ مانہہ مزید دقتار لیاوے غی۔ اُنہاں نے جموں کشمیر نانہہ بھارت غو تاج قرار دتوہے کہیو کہ اج پورو ملک کشمیر تیں کنیا کماری توڑی ریل غے زریعے جُر گیوہے اُنہاں نے اس طرح کہیو۔ اس موقع ور گل کرتا واں وزیر اعظم نے جموں کشمیر غی عوام نانہہ وی خراج تحسین پیش کیو۔ اُنہاں نے کہیو کہ پہلگام مانہہ پاکستان غی حمایت یافتہ دہشت گردی غا حملہ غے کلاف جس ہمت تیں ات غا لوکاں نے اپنی آواز بلند کی ہے وہ قابل تعریف ہے جموں کشمیر غا نوجوان دہشت گردی نانہہ منہ توڑ جواب دین غو پکو ارادو کر چکا ہیں وزیر اعظم نے اس طرح کہیو۔ اس موقع ور وزیر اعظم نے آپریشن سندھور غے دوران سرحد پار گولہ باری تیں متاثرہ خانداناں واسطے 1 لکھ روپیہ اضافی امداد غو اعلان وی کیو۔ اُنہاں نے کہیو سرحدان گے قریب رہن آلا لوک ملک غی پہلی حفاظتی دیوار ہیں اُنہاں نے مزید اس طرح کہیو۔

LG

جموں کشمیر واسطے ایک تاریخی لمحہ مانہہ لیفٹیننٹ گورنر منوج سنہا نے کشمیر ریل پروجیکٹ غو افتتاح نانہہ کشمیر تیں کنیا کماری توڑی ایک متہدہ بھارت غا خواب غی تکمیل غی جانب ایک اہم قدم قرار دتو اُنہاں نے کہیو کہ کشمیر مانہہ وندے بھارت ریل خدمات غا آغاز نے جموں کشمیر غی عوام غا دلاں نانہہ ملک غا باقی حصاں سنگ جوڑ دتوہے تے یوہ خطہ مانہہ معاشی ترقی غی راہ ہموار کرے غو چناب تے انجی پُلان غا افتتاح تے وندے بھارت ریل غا آغاز غا موقع ور خطاب کرتا واں لیفٹیننٹ گورنر نے اس نوا بنیادی ٹھانچہ نانہہ ترقی تے فخر غی علامت قرار دتو اُنہاں نے مزید اس طرح کہیو۔ حال ہی مانہہ دہشت گردی غا

خطرات ور گل بات کرتا واں ایل جی موصوف نے پیر عزم جواب دین غو اعلان کیو تے جموں کشمیر غاروشن مستقبل غی اُمید ظاہر کی ہے۔ اس موقع ور ریلوے غا مرکزی وزیر اشنو ویشنو مرکزی وزیر ڈاکٹر جتندر سنگھ جموں کشمیر غا وزیر اعلیٰ عمر عبداللہ ت نائیب وزیر اعلیٰ سریندر چودھری وی موجود تھا۔

SPECIAL FEATURE

گزشتہ ایک دہائی مانہ بھارت نے خدمت اچھی حکمرانی تے غریباں غی فلاح غا اصولاں ور مبنی ترقی کی ہے آکاشوانی نیوز غی خصوصی رپوٹ حکومت غا گزشتہ 11 براں غے دوران مختلف شعباں مانہ کیا گیا کماں ور ایک خصوصی رپوٹ پیش کر رہیو ہے اج ہم گل کراں گا ثقافتہ ورثہ غا تحفظ غی جہڑی بھارت غی تہذیبی شناخت غو فخر ہے پچھلا 10 براں مانہ حکومت نے بھارت غو اصلی قومی معماراں نانہ خراج تحسین پیش کرن تے اُنغی وراثت نانہ سیاسی وابستگی تیں بالاتر بو غے محفوظ رکھن واسطے اہم اقدامات کیا ہیں آزادی غا امرت مہوتسو جیسا مہمات جس نے آزادی غا 75 سال مکمل ہون ور قوم غی قربانیاں تے کامیابیاں نانہ مایو اسی کڑی گو حصو ہے سال 2024 مانہ 23 کروڑ تیں زیادہ لوکاں غی شرکت غے نال یوگا بُن ایک عالمی تحریک بن چُکو ہے۔

OP SHIVA

فوج نے آپریشن شوا غ اناں تیں ایک جامع حفاظتی مہم شروع کی ہے تانجے 38 دناں توڑی چلن آلی امرناتھ یاترا واسطے سخت حفاظتی انتظامات کیا جاسکیں جہڑی 3 جولائی تیں شروع ہون آلی ہے یاہ سالانہ یاترا جہڑی کہ نہایت مقدس روحانی سفر مانی جے ہر سال ہزاراں عقیدت منداں نانہ جموں کشمیر غا مقدس امرناتھ غار غی جانب کھینچ لے جہڑی سمندری سطح تیں 3888 میٹر غی بلندی ور واقع ہے حالیہ حفاظتی خدشات جسران کہ 22 اپریل نانہ پہلگام مانہ ہون آلو دہشتگرد حملہ نانہ مدنظر رکھتا واں فوج نے سی آر پی ایف جموں کشمیر پولیس تے شری امرناتھ جی سرائین بورڈ غے نال مل غے سخت حفاظتی اقدامات کیا ہیں تانجے یاتریاں غی حفاظت نانہ یقینی بنایو جاسکے۔

SC NEET

عدالت عظمیٰ سپریم کورٹ نے امتحانات بارے قومی بورڈ یعنی این نی ای نانہ اجازت دتیہے جے وہ نیٹ بی جی 2025 غو امتحان 3 اگست 2025 نانہ ایک ہی شفٹ مانہ ہے یوہ امتحان پہلاں 15 جون نانہ ہونو تھو اس تیں پہلاں 30 مئی نانہ سپریم کورٹ نے این پی ای نانہ ہدایت دتی تھی کہ وہ نیٹ پی جی 2025 نانہ 2 غے بجائے ایک ہی شفٹ مانہ منعقد کرے تے امتحان 15 جون 2025 غی مقررہ تاریخ نانہ لے بعد مانہ 3 جون نانہ این بی ای نے وقت مانہ توسیع واسطے ایک درخواست دائر کی یوہ کہتا واں جے اُن نانہ امتحانی مراکز غی تعداد بدھان غی ضرورت ہے۔

ITOO EID GREETINGS

صحت تے طبی تعلیم غی وزیر سکینہ اتو نے عیدالاضحیٰ غا مبارک موقع ور جموں کشمیر غا عوام نانہ دل تیں مبارک باد پیش کی ہے۔ عید غی آمد تیں بازاراں مانہ خوب رونق ہے ہر طرف چہل پہل تے خوشیاں گو ماحول ہے لوک خریداری مانہ مصروف ہیں تے عید غی تیاری زوراں ور ہے اپنا ایک پیغام مانہ وزیر موصوفہ سکینہ اتو نے کہیو کہ عیدالاضحیٰ جہڑو قربانی غو تہوار ہے نہ صرف ایمان تے عقیدت غو اظہار ہت بلکہ یوہ ہمدردی عاجزی تے اتحاد عاجزیہ نانہ تازہ کرن غو وی وقت ہے۔

VIKSIT KRISHI

جموں زراعت غا ڈائریکٹر ڈاکٹر اے ایس رین نے ضلع سانبہ غو دورو کیو تانجے وکست کرشی سنکلب ابھیان 2025 غے تحت جاری زرعی کماں غو جائیزو لیو جاسکے اس موقع ور گراں ڈیانا مانہ ایک برا پیمانہ ور سائنسداناں تے کساناں کی مشترکہ میٹنگ منعقد ہوئی جس مانہ بڑی تعداد مانہ کسان نوجوان تے دیہی خواتین نے شرکت کی ڈاکٹر اے ایس رین نے کساناں نانہ زرعی تنوع اختیار کرن غی ترغیب دتی تانجے اُن غی آمدنی مانہ اضافو ہوسکے۔
